

ները հելլենիզմի ժամանակաշրջանում գերակշռող են եղել և զուրա են մղել մ. թ. ա. V—IV դդ. բնորոշ բարե թանկարժեք կնիքները³⁴:

Այսպիսով կարելի է ասել, որ Գորիսից և Բրուն դյուլից հայտնաբերված շարքային նյութերը տնդական են: Չնայած փոքրաքանակությամբ, այդ նյութերի արժեքը կայանում է նրանց անսպասելի տեսքի մեջ, որը խիստ կարևոր է ժողովրդի կենցաղը, նրա թողած մշակույթը վեր հանելու տեսականից: Ընդգրկված լինելով հելլենիզմի դարաշրջանի մշակույթի ոլորտի մեջ (այդ են փաստարկում Արտաշեսի արամեական արձանագրությունը, պատահականորեն հայտնաբերված ապակե սրվակները, Մխիթանի դամբարանի հարուստ նյութերը և այլն), Գորիսի և Բրունի նյութերը լրացնում են Զանգեզուրի շարքային բնակչության կենցաղի վերաբերյալ եղած բացը: Ահա այս տեսակետից նորահայտ նյութերի գիտական արժեքը մեծ է: Գրանք միաժամանակ հանդիսանում են մեր նախնիների թողած ուրույն

մշակույթի անբաժանելի մասը: Պատահական չէ, որ այդ նյութերը մի կողմից իրենց բազմաթիվ զուգահեռները գտնելով տարբեր վայրերի համաժամանակյա նյութերում, մյուս կողմից իրենց նախաձեռն ունեն բրոնզի ու երկաթի դարաշրջաններին պատկանող հուշարձաններում: Բնական է, որ այս երեույթը կարող է պերճախոս կերպով վկայել միայն ժողովրդի իր նախնիներից ստացած ավանդույթների պահպանման ու զարգացման մասին: Մշակույթի հիմնական դեմքը կազմող այս նյութերի կողքին առկա են և այնպիսիները (տվյալ գեպրում քարանձավից հայտնաբերված որոշ ուլունքներ), որոնք կարող են դիտվել իբրև ներմուծված կամ արտաքին ազդակների տակ տեղում պատրաստված արտադրանք: Սա միանգամայն բնական երևույթ է հելլենիստական դարաշրջանի հզոր մշակույթի ոլորտի մեջ ընդգրկված, բայց հիմնականում իր ներքին կյանքով ապրող Հայաստանի համար:

Պատմ. գիտ. քննաձուռ Օ. Ս. Խնկելիձև

ԼՈՌԻՈՒՄ ՀԱՅՏԱՌԵՐՎԱԾ ԲՐՈՆԶԵ ԳՈՏԻՆԵՐ

1979 թ. Լորուտ գյուղի հյուսիս-արևմտյան ծայրամասում, Վերին թաղ կոչվող վայրում, տ. Ավետյանի կողմից պեղվեցին քարարկային սիպի մի քանի դամբարաններ, որոնցից մեկում մ. թ. ա. VIII—VII դդ. մետաղե և կավե իրերի հետ գտնվեց բրոնզե գոտի, որի ձախ մասը չի պահպանվել (նկ. 1): Գոտու պահպանված մասն ունի 76 սմ երկարություն և 14 սմ լայնություն: Նրա եզրերը զարդարված են երկշարք ոլորապտույտ նախշերով, իսկ լայնակի աջ կողմը, բացի ոլորապտույտից, նաև՝ երկշարք շնդանկյուն նախշերով: Մակերեսին փորագրված է բարդ կոմպոզիցիոն պատկեր: Աջից ձախ խիստ ոճավորված խոշոր եղջյուրներով երեք կենդանիներ են (ձախ կողմի ջարդված մասում երևում են շորրորդի հետքերը), որոնք պատկերված են սրնթաց, բառատրոփ վազի պահին: Եղջյուրները տափակ են, ունեն կիսալուսնաձև տեսք և նմանվում են Ախթալայում, Խոջալիում և Մարագինդերսիում գտնված գոտու վրա պատկերված կենդանիներին: Մարմիններին գցված են օղակաձև զար-

դով նախշված ծածկոցներ: Նման ծածկոց է զարդարում նաև Այրումում գտնված ցուլի բրոնզե արձանիկի մարմինը²: Նշված կենդանիների առջևից ընթանում են թռչուններ, որոնք կտցում են հողը, իսկ ետևից ընթացող թռչունները կտցում են նրանց պոչերը՝ կարծես աշխատելով արգելել վազը:

Առաջին խմբի կենդանիների ետևից վազում են նույնատիպ ծածկոցներով երկրորդ խմբի կենդանիները, որոնք առաջիններից տարբերվում են կարճ, կեռ եղջյուրներով և ոտների դիրքով: Կենդանիների գլուխները առաջ են ձգված, իսկ լայն շրթունքները կիսաբաց են և այն սպավորություն են ստեղծում, որ նրանք պատրաստվում են կծել կամ շրթունքներով բռնել առջևից վազողներին: Այս խմբի առաջին և երրորդ կենդանիների վրայով, նրանց ընթացքին հակառակ լողում են երկու ձուկ,

³⁴ ժ. Դ. Խաչատրյան, Հայաստանի հելլենիստական շրջանի գլխավորկայի մասին, ՀՍՍՀ ԳԱ «Լրաբեր հաս. գիտ», 1974, № 7, էջ 98:

¹ J. de Morgan, Mission scientifique au Caucase, I, Paris, 1889, fig. 190; Д. ж. А. Халилов, Бронзовые пояса, обнаруженные в Азербайджане, «Матери-

альная культура Азербайджана», IV, Баку, 1962, табл. VI, рис. I, табл. XI, рис. I; Б. А. Куфтин, Археологические раскопки в Триалети, т. I, Тбилиси, 1941, стр. 50—51.


² С. А. Есаян, Древняя культура племен Северо-восточной Армении, Ереван, 1976, табл. 154.

պարզ երևացող լողակներով, իսկ երկրորդի վրայում, ընթացքի ուղղությամբ՝ երկու թռչուն, որոնք կարծես օրհնում են նրանց վազքը:

Գոտու վրա պահպանվել են նաև մի երրորդ խմբի կենդանիների պատկերները, որոնք նշատած են առաջին խմբի երկրորդ և երրորդ կեն-

դոտիներից մեկն ունի նման բովանդակություն, փոքր-ինչ այլ մեկնաբանությամբ. սրա վրա պատկերված են վազող էգ եղջերուներ ու այծեր, որոնց նույնպես հետապնդում են արուները:

Լորուտի և լճաշենի գոտիների պատկերների



Նկ. 1:

դանինների մեջքերին, հետևի ոտքերով հենվելով դավակներին: Երրորդ խմբի կենդանիներն ունեն փոքր գլուխներ, երկար գունչ, կարճ, սուր եղջյուրներ, փոքր իրան, կարճ պոչ:

Այսպիսով, Լորուտից գտնված գոտու պահպանված մասում փորագրված է մի կոմպոզիցիոն պատկեր՝ բաղկացած երեք վազող, կիսալուսնաձև եղջյուրներով կենդանիներից, որոնց հետապնդում են կարճ, կեռ եղջյուրներով կենդանիներ: Առաջին խմբի կենդանիների մեջքերին նստած են երրորդ խմբի կենդանիները: Քանի որ գոտու կոտորված ձախ մասում պահպանվել է առաջին խմբի կենդանիներին նման կենդանու պատկեր, կարելի է ենթադրել, որ այս տեսարանը կրկնվել է ևս մեկ երկու անգամ:

Առաջին հայացքից անհասկանալի այս տեսարանը բացատրվում է ևս մեկ կենդանու պատկերի առկայությամբ: Կիսալուսնաձև եղջյուրով առաջին կենդանու աչք կողմից նրան զուգահեռ վազում է կեռ եղջյուրներով մեկ այլ կենդանի: Նրա գլուխը բարձրանում է առաջին կենդանու մեջքի վրա, իսկ փոքր լուսնից երևում է զուգահեռ վազող հետապնդող կենդանու լարված ֆալուսը: Այդ տեսարանից կարելի է ենթադրել, որ Լորուտի գոտու վրա պատկերված են կիսալուսնաձև եղջյուրներով երկնային կովեր, որոնց հետապնդում են սրբազան ցուլերը և եղիկները: Լճաշենում գտնված


միջև կա և ուրիշ բնորոշություն: Երկու գոտիների վրա էլ կան կրկնակի ֆունկցիա ունեցող թռչուններ. նրանք արգելակում են էգերի վազքը՝ կոցելով նրանց ոտքերը, վիզը ու առջևի հոդը, միևնույն ժամանակ օրհնելով արուներին՝ կատարելու պտղաբերության գործողությունը, խաղաղ ճախրելով նրանց վրայով: Կոմպոզիցիայի մեջ կան նաև ձկների պատկերներ, որոնք բացակայում են լճաշենի գոտու վրա: Ձկները, որպես պտղաբերության խորհրդանշ, նույնպես օրհնում են այդ գործողությունը, լողալով երթին ընդառաջ:

Լորուտի գոտին ամբողջովին ծածկված է փորագրված բարդ մոզական պատկերներով, որոնք հասկանալի էին Հայաստանի տեղաբնիկներին: Այստեղ պատկերված երկնային, արևի և պտղաբերության աստվածները (թռչուններ և ձկներ) նպաստում էին երկնային կովերի պտղաբերությանը, որը հնագույն մարդու պատկերացմամբ հսկայական նշանակություն ուներ տնտեսության հիմնական ճյուղերից մեկի՝ անասնապահության զարգացման համար: Լճաշենի գոտու հետ ունեցած նմանությունը, ինչպես և գտնված հնագիտական նյութերը հնա-

³ С. А. Есаян, А. О. Мнацаканян, Бронзовые пояса из Лчашена и Степанавана, «Историко-филологический журнал», 1977, № 3, стр. 276—277, рис. 1а.

րավորությունն են տալիս լորուտի գոտին թվագրել մ. թ. ա. I հազարամյակի սկզբով:

Երկու այլ գոտիների բեկորներ են գտնվել Թումանյանի շրջանի Օձուն և Կիրովականի շրջանի Վահագնի գյուղերում: Օձունում գտնվել է գոտու ձախ կողմի մի բեկոր, որ պատկա-



նկ. 2

նում է որսորդության պատկերներով հազվադեպ հանդիպող գոտիների թվին: Պահպանված մասի երկարությունը կազմում է 33 սմ, իսկ լայնությունը՝ 14 սմ (նկ. 2): Արտաքին եզրերը զարդարված են զուգահեռ գծերով և եռանկյունիներով: Ձախ կողմի եզրանախշից դեպի ներս հեռանում են իրար մեջ տեղադրված չորս զուգահեռ եռանկյունիներ, 1—2-րդ և 3—4-րդ եռանկյունիների կողմերի միջև փորագրված են չորս ուղղվող, փոքր զլուխներով օձերի պատկերներ: Գոտիների ալուօրինակ զարդարումը բնորոշ է Հայաստանի և Անդրկովկասի մ. թ. ա. II հազարամյակի վերջի, I-ի սկզբի շատ գոտիների համար (Ստեփանավան⁴, Թաքի⁵, Կարմիր բերդ⁶, Բջնի⁷, Սամթավրո⁸, Բրեւի⁹ և այլն):

⁴ С. А. Есаян, А. О. Мнацаканян, *Եղվ. աշխ.*, էջ 280, նկ. 2:

⁵ А. А. Мартиросян, Т. С. Хачатрян, Комплекс изделий из могильника Такии (Агвесацзор), «Известия» АН Армянской ССР (общ. науки), 1959, № 11—12, стр. 93.

⁶ С. А. Есаян, Ереван (археологический очерк), Ереван, 1969, табл. 27.

⁷ В. Аветян, Л. Биягов, Новые находки бронзовых поясов в Армении, «Вестник общ. наук» АН Армянской ССР, 1977, № 12, рис. 1.

⁸ Н. Урушадзе, Бронзовые пояса из Мцхета-Самтавро, «Декоративное искусство СССР», 1977, № 6, стр. 47—48.


⁹ Н. Абрамшвили, Бронзовый пояс из Трельского могильника, в сб. «Друзья памятников культуры», № 39, Тбилиси, 1975, стр. 82.

Գոտու պահպանված մասի ձախ կողմի մաս կերեսին փորագրված են որսի տեսարաններ: Այստեղ կենտրոնական կերպարներն են երեք հեծյալները, որոնք նստած են խիստ ոճավորված ձիերի վրա. ձիերն ունեն երկար վզեր, փոքր-ինչ նշմարվող զլուխներ՝ ցցված ակափներով, երկար դնչեր՝ թուշի կտցի նման բացված բերաններով: Ձիերի իրանները փոքր են, խիստ կորացած, կարճ ոտքերը ավարտվում են թուշի թաթերով: Երեք ձիերի զլուխներն էլ իրար են միացված օձ հիշեցնող, ալիքաձև գծով: Հեծյալները պատկերված են անֆաս և նույնպես խիստ ոճավորված են, առաջ գլխի մանրամասների ընդգծման: Առաջին, ամենահուշոր հեծյալի ձախ ձեռքը կորած բարձրացված է գլխի վրա: Աջ ուղիղ ձգված ձեռքում պահվում է նետը՝ եռանկյունաձև ծայրապանակով: Երկրորդ և երրորդ հեծյալների իրանները առաջին պլանին մոտենալով փոքրանում են և մեկնաբանվում փոքր-ինչ այլ կերպ. ձախ ձեռքերը հետ են քաշված և ծոված են արմուկներում: Աջ ձեռքով նրանք դուրս են քաշում ձախ կողքերից կախված թրերը: Առաջին հեծյալի կուրծքը ծածկված է կնտազարդ նախշով, իսկ մյուս երկուսի մոտ այդ նախշը բացակայում է: Ըստ երևույթին նկարիչը ամենախոշոր հեծյալին (հնարավոր է առաջնորդին) պատկերել է զրահաշապիկ հագած, իսկ մյուսներին՝ առանց դրա:

Հեծյալների առջև, ներս ընկնող եռանկյունիների երկու կողմից պատկերված են երկուական զույգ առասպելական կենդանիներ: Ամեն զույգում կա մեկ խոշոր և ավելի փոքր կենդանի (ըստ երևույթին էգ և արու), որոնք կանգնած են դեմ-դիմաց: Նրանց իրանները նման են ձիերի իրաններին, տարբերվելով նրանցից խոշոր լայն բացված երաններով և մեջքի վրա բարձրացող երկար կորած սղոշներով: Ինչպես ձիերը, նրանք էլ ունեն թուշի թաթեր: Բոլոր չորս կենդանիներն էլ խոցված են նետերով: Նետերը խոցել են լիզը, դուրս եկել հակառակ կողմից, ոտքերին զուգահեռ: Այս տեսարանում նկատում ենք նկարի տարածական լուծման նախնական, պարզունակ մի ձև: Երկու զույգ կենդանիներին խոցող նետերն ունեն միևնույն դիրքը, բայց դա իրականում հնարավոր չէ, քանի որ արձակված նետերը պետք է խոցեին մեկի վիզը, իսկ մյուսի նրախը կամ կուրծքը: Նկարիչը ձգտել է պատկերել որսորդներից փախչող կենդանիներ, որոնք նևտահարվելով, հոգեվարքի պահին լայն բացել են երանները: Սակայն տեղի պակասության պատճառով կենդանիներին դասավորել է դեմ-դիմաց

և պայմանականորեն որոշել տարածային լուծումը, որը հասկանալի է եղել ինչպես իրեն, այնպես էլ պատվիրատուին:

Գոտու պահպանված մասի աջ կողմում նկարված են երկու զուգահեռ շրջանակներ, որոնց եզրերը զարդարված են հորիզոնական



Նկ. 3

ալիքաձև գծերով և եռանկյունիներով: Վերին շրջանակի մեջ տեղադրված են երկու այծ, իսկ ստորին շարդված մասում երևում է մեկ այծի գլուխ: Կենդանիները պատկերված են արագ վազքի պահին: Նրանց մարմինները խիստ ձգված են, կեռ եղջյուրներով գլուխները բարձրացված, բերանները լայն բացված, ոտքերը հավաքված են թոխքի համար: Այս տեսարանը, որը մյուսներից անշատված է վերոհիշյալ ուղղանկյուն շրջանակներով, օրգանապես կապվում են որսի տեսարանի հետ, ուր կենդանիները փախչում են հետապնդող որսորդներից:

Նման շրջանակներով գոտիներ են հայտնաբերվել Կարմիր բերդում¹⁰ և Քալաքենտում¹¹, սակայն այնտեղ պատկերված են ձիեր և առյուծներ: Այս հանգամանքը, ինչպես և գոտու բովանդակության նմանությունը Ստեփանավանում և Կարմիր բերդում գտնված գոտիների հետ, հնարավորություն է տալիս Օձունի գոտին թվագրել մ. թ. ա. II հազարամյակի վերջով և I-ի սկզբով:

Երրորդ գոտու բեկորը ունի ավելի պարզ նախշեր: Կենտրոնում անցնում է լայն ուղղանկյուն շրջանակ, որի երկու կողմերից ազատ թռ-

դած եզրեր են: Շրջանակի ներսում արված են երկու զուգահեռ գծեր, որոնք նման են շրջանակի եզրերին: Շրջանակի շուրջը և ներսի տարածությունը ծածկված է արևը խորհրդանշող «վազող» ոլորապտույտների նախշով (Նկ. 3): Նույնատիպ շրջանակներով գոտիներ, որոնք, սակայն, ծածկված են ոչ թե վազող ոլորապտույտներով այլ կետազարդ նախշով, լավ հայտնի են ուրարտական հուշարձաններից (Իգդիր¹², Կարմիր բլուր¹³, Զոդ¹⁴ և այլն):

Այս տիպի գոտիների աջ կողմերը հաճախակի զարդարված են լինում կենաց ծառի պատկերներով: Առանց շրջանակի, միայն «վազող» ոլորապտույտով զարդարված գոտիներ են գտնվել Խրտանոցում¹⁵, Մուխանում¹⁶ և պահվում են Աղանայի թանգարանում¹⁷: Վահագնիում գտնված գոտին հանդիսանում է առաջինը, ուր սինթեզվում են ուրարտական երկու ձևերը: Ուրարտական գոտիների հայտնի օրինակները հնարավորություն են տալիս վահագնիում գտած գոտին թվագրել մ. թ. ա. VII—VI դդ.:

Նոր հայտնաբերված, հազվագեղ հանդիպող այս գոտիները ոչ միայն հարստացնում են մեր պատկերացումները հնագույն նկարիչ-փորագրողների արվեստի մասին, այլև արժեքավոր նյութեր են տալիս տեղաբնիկների պաշտամունքային պատկերացումների, սովորույթների, որսի, ռազմական գործի և հոգևոր կյանքի ուսումնասիրության համար:

¹² Б. А. Куфтин, Урартский колумбарий у подошвы Арабата и Куро-Аракский энеолит, «Вестник музея Грузии», XIII—B, 1944, рис. 26.

¹³ Б. Б. Пиотровский, Ванское царство, М., 1959, рис. 43, 82.

¹⁴ Ս. Ա. Եսայան, Ուրարտական գոտիով դամբարան Զոդում, «Պատմա-բանասիրական հանդես», 1979, № 3, նկ. 1:

¹⁵ С. А. Есаян, Г. А. Оганесян, Каталог археологических предметов Дилижанского краеведческого музея, Ереван, 1969, табл. X III, рис. 5.

¹⁶ В. Аветян, Л. Бяггов, նշվ. աշխ., նկ. 2:

¹⁷ О. А. Таşvurek, The Urartian Belts in the Adana Regional Museum, Ankara, 1975, ill. 28.

¹⁰ С. А. Есаян, Ереван, табл. 27.

¹¹ А. А. Ивановский, По Закавказью, «Материалы по археологии Кавказа», VI, М., 1911, табл. I, рис. 2.